



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pretiosae Occvpationes Morientivm In Societate Iesv

Nádasi, János

Romae, 1657

Cap. XI. Beatiss. Virigini munusculum aliquod pro felici morte offerre.

urn:nbn:de:hbz:466:1-45415

lem aiebat Thomas fuisse *templum Societatis*. Tum ad BB. PP. Ignatium, & Xauerium versâ oratione dicebat Virgo: *Hic iuuenis vester est; habetote illius curam: ego illum vobis committo. ita videri Virginem, & omnia, desijisse: at se flagrantissimum in se Societatis ineundæ desiderium persensisse; ac singulari deniq; ope Virginis in eam penetrasse. Id certè per illam à Deo speramus omnes vt nos in Societate felici morte defunctos in augustum triumphantis gloriæ Iesu templum inducat, dicatq;: Hæc erit habitatio tua.*

Annuz
1615.
Sancta M.
Mater Dei
& Virgo,
etc.

27 P. *Adrianus Pleunius* Brugis moriens optauit vt sibi in extremis posito formula votorum, & formula quâ se B. V. Sodales dedicant legeretur.

C A P V T X I.

Beate Virgini munusculum aliquod pro felici morte offerre.

Petrus Scarga cum suprema sibi in-
rare aduerteret, quotidie cibo Eu-
charistico refectus est, etiam ipso, quo decessit
die. Paucis ante diem vltimum diebus, vlti-
mum Cestochouensi *Deipara* donum misit,
cereum candidum, quem ipse manu & arte
suâ, vltimis in illum impensis viribus conflu-
uerat. Et fuit is cereus imago P. Petri optan-
tis

Annuz
Cracou.
1612.

tis in Marianis obsequijs ardere, consumi, lu-
cere, liquefieri, & extingui. Et verò statim ac-
census pro imagine illa thaumaturgæ Virgi-
nis cereus ita suo ardendi munere functus est,
quasi legatus Petri apud Virginem: vt quo
tempore Petrus inter mortales viuere, eodem
cereus pro *Maria* aris ardere desierit. Eodem
& Petrus, & cereus tempore extinctus est. Ita
defuncto eo, à quo quis missus est, Legati mu-
nus expirat. Sunt qui cereum, qui in Ara B. V.
Lauretana sub vno sacro arserit, sibi pro mor-
te curent: eumq; ardentem egri in manu quo-
tidie habeant, eliciantq; actus fidei, spei, cha-
ritatis, Contritionis.

Cereus ex
altari B. V.
Laureta-
na.

2 *P. Iulius Caesar Recupitus* pro felici mor-
te suggerit ex vsu fore id, quod è Societate
scripsere, ac fecere alij quoq; non semel. si
quotidie vnum aliquod donum, veluti floscu-
lum, seponas, pro puncto mortis: vt è collectis
omnium vitæ dierum flosculis, in hora mortis
tuæ inuenias textam *Mariae* corollam. Floscu-
lus, seu donum, esse potest mortificationis
actus aliquis. e. g. occasione se dante refræ-
nare linguam, ne in verba turbida effere-
scat; dicendo interea intra se: Sit iste Beatif-
simæ Virgini flosculus diei hodiernæ, pro co-
rolla perficienda in articulum mortis. Idem
de oculis ne in foeminas, vel in aliquam cu-
riositatem, se effundant coërcendis, idem de
gula bolo aliquo ciboùe fraudandà, & quoti-
dianis

Tr. 1. in-
dustr. 7.

Quotidia-
na, & cre-
bra sui ui-
ctoria pro
felici mor-
te.

Fasciculus
florum
B. V. do-
nandus in
morre.

Singuli
dies dent
flosculos
suos pro
ferto B. V.
in morte.

1647.

Rosarium
mortis.

dianis id genus occasionibus dicendum. Quotidie, minimum semel, studio placendi, aut rem gratissimam faciendi *Deiparæ* Virgini, simile aliquid agendum, pro solatio mortis tuæ. Atq; hanc in rem libellus fieri cum hoc titulo potest: Fasciculus corollæ flosculorum à me N.N. maximo peccatore collectorum, & Beatissimæ Matri in mortis meæ puncto offerendorum, inchoatus anno * mense * die *. Libellus hic vesperi Cruce signandus, si flosculi offerendi non sis oblitus. Si verò nullum eo die Virgini flosculum obtulisti, O. Signum apponendum, quod te die sequenti admoneat, vt diei præcedentis negligentia suppleatur. Ita omnes anni erunt anni collectorum florum, & coronæ benignitatis pro vltimo die vltimi anni tui. Sub mortem libellus Virgini exhibendus: aspergendi flosculi pretiosâ aspergine Sanguinis Filij illius morientis *Iesu*. Ait ibi hanc praxim suauissimo solatio fuisse non vni inter moriendum pulcherrimis Paradisi delicijs affluenti, ridenti, morienti. Et ipse *P. Recupitus* altero post illum industriarum librum à typographo finitum die, tanquam consumato opere vltimo, Neapoli è vitâ excessit.

3 *P. Didacus Martinez* recitabat quoddam *Rosarium mortis*, vt ipse appellabat. Ad minores Rosarij calculos dicebat: *Domine mi Iesu Christe, concedat mihi Maiestas tua bonam mortem, per Sanctissimam Mortem tuam.* Ad
glo-

globulos maiores, intercalare suspirium illi erat: *Maria Mater gratia! &c.* quod in fine postea illis versiculis absoluebat: *Gloria tibi, Domine, qui natus es de Virgine &c.*

4 Eat in memoriam posterorum, & scholas docentium, aliorumq; exemplum *Magister Jacobus Mloczki*, qui vix peracto in Societate octo annorum spacio, dum iuuentutem in scholis bonis literis, & optimâ pietate erudiret, decerptus est. Hunc annuæ ab admirabili se ad moderationem in omnibus componendi, ac lectionem sacram per omnem vitam, at in morbo maximè, etiam inter puncturas acerbissimas, attentè audiendi, atq; adeò ab aliarum religioso Magistro dignarum virtutum studio ita laudant, vt mores & nomen Angeli occuparit. At B. Virginem, præcipuâ veneratione prosequabatur. Quotidiana illi munuscula pro felici vitæ fine dedit cõstanter quotidie Officium, & Rosarium, quotidiani & muneralis pensi instar. Neq; parcam expertus liberalissimam Virginem, Matrem, decimo ferè ante vltimum die, qui à

Rigæ 1505
n. 19.

Lectio sacra.

2. Febr.

Modicum
adhuc ferendum.

tem

Curus
gloriae
B. V. pro
morienti-
bus.

tem migraturum: modicum interim adhuc ferendum. Et biduo ante mortē, valetudinis suę præfecto fratri: Magnos, aiebat, hīc habuimus hospites, exhilarante me præsentia suā Beatissimā Virgine. Addidit, se in cubiculi medio currum gloriae Beatissimę Matris intueri, quō illa animas in Cælū auertere soleat. In agone oculos in Crucifixum, digitum in abducturam se *Deiparam* intendit: & felici morte currum illum conscendit, cælo, vt speramus, inuectus.

S. Bern. de
aquaed.
ap. Blo-
sium Con-
clavis ani-
mae c. 1-
n. 16.

B. V. Esca
dulcissima.

5 Offeramus illi nunc munera: non finet se vinci: liberalissima est. *Plenus equidem aqueductus, vt accipiant ceteri de plenitudine. Mariae Unigeniti Filij mei gloriosę Genitrici* (inquit S. Cath. Senensi *Deus*) à Bonitate mea, concessum est, propter Incarnati verbi reuerentiam, vt quicumq;, etiam peccator, ad eam cum deuotā veneratione recurrit, nullo modo diripiatur à dæmone infernali. Hęc enim est à me electa, parata, & posita, tanquam esca dulcissima, ad capiendos homines, & præcipuè animas peccatorum.

C A P V T X I I.

*Pretiosa occupatio morientis est sacra suppellex,
quā prouidenter quidam se instruunt.*

I **E**st Crucifixus. de quo satis c. 9. B. Aloysius extremis vitę diebus habuit ad pectus